



15
1376

Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Broj: 13-03/1-04-58637-85-1/26
Sarajevo, 11.05.2026. godine

SKUPŠTINA KANTONA SARAJEVO

Služba za skupštinske poslove ✓

- O v d j e -

KANTON SARAJEVO

Stručna služba Vlade

- O v d j e -

Zastupnica Admela Hodžić je na 28. Radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, i u tom smislu uputila slijedeću zastupničku inicijativu:

„Vladi Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo, Ministarstvu za boračka pitanja Kantona Sarajevo, Ministarstvu zdravstva Kantona Sarajevo, Ministarstvu za odgoj i obrazovanje Kantona Sarajevo, Ministarstvu kulture i sporta Kantona Sarajevo, Ministarstvu pravde i uprave Kantona Sarajevo, Ministarstvu unutrašnjih poslova Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo i Pravobranilaštvu Kantona Sarajevo, da što prije poduzmu sve potrebne mjere i radnje, kako bi se formirala interesorna radna grupa koja će biti zadužena da preispita zakonsku provedbu Odluke o davanju u pod zakup stanova, poslovnih prostora i garaža u objektima O-9 i O-10 na lokaciji „Otes“ („Službene novine Kantona Sarajevo“ broj 16/03) od 10.06.2003. godine, utvrdi sve radnje koje nisu bile u skladu sa zakonima u postupanju prilikom izmjene ove Odluke svih učesnika, preispita zakonsku opravdanost daljeg postupanja po ovoj Odluci kao i razmatranje mogućih zakonskih rješenja, odnosno mogućeg otkupa zgrada, renoviranja i stavljanja na raspolaganje mladim ljudima u Kantonu Sarajevo za kupovinu pod povoljnijim uslovima, na isti ili sličan način kako je to do sad uspješno urađeno u Ministarstvu za boračka pitanja KS, kupovinom stanova i dodjelom u trajno vlasništvo boračkoj populaciji, kao i mogućnost davanja stanova pod zakup uz plaćanje naknade za stanovanje mladim ljudima i da pristupe izradi Odluke o izmjenama Odluke o davanju u pod zakup stanova, poslovnih prostora i garaža u objektima O-9 i O-10 na lokaciji „Otes“ ili stavljanje iste van snage.“



ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnice Admele Hodžić, a koja je sa pažnjom razmotrena u okviru ovoga ministarstva i na istu dajemo slijedeće izjašnjenje:

Dostavljenu inicijativu zastupnice Hodžić podržavamo i smatramo opravdanom posebno imajući u vidu činjenicu da je ovo ministarstvo u prethodnom periodu u više navrata iskazivalo stav da rješavanje ovog dugogodišnjeg problema treba da bude koordinisano sa nivoa Vlade i Skupštine Kantona Sarajevo i da je potrebno da se sva ministarstva i institucije uključe u rješavanje ovog problema u okviru propisane nadležnosti, iskazujući nadalje spremnost da se Ministarstvo za rad, socijalnu politiku, raseljena lica i izbjeglice uključi u navedeno u okviru svoje propisane nadležnosti.

S tim u vezi ponovo ističemo stav da je predmetna zastupnička inicijativa za formiranje interesorne radne grupe opravdana, te da istom treba da rukovodi Vlada Kantona Sarajevo putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, kao resornog ministarstva za pitanja iz oblasti stambenih odnosa u Kantonu Sarajevo.

S poštovanjem,

Pripremila: Smaragda Lučkin, šef Odjelja
Kontrolisao: Miralem Dedović, pomoćnik
Amira Gackić, sekretar Ministarstva



PO OVLASTENJU PREMIJERA
MIRALAM DEDOVIĆ

Dostavljeno:
1. Naslovu,
2.a/a.



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba